

pater pauperum et exemplar prelatorum, etiam protector extitit afflictorum: *fuit pauper pater amantissimus*, qui eos ut filios adamavit: *pater beneficis*, qui eorum miseras sublevavit: *et pater sapientissimus*, qui eorum necessitates prevenit. Fuit etiam S. Nicolau*s exemplar episcoporum* in vocatione sua ad episcopatum, in exercitio bonorum operum et in sollicitudine gregis. Fuit tandem *protector afflictorum*, qui protexit naves horribili tempestate jactatos, innocentes ad mortem injuste damnatos et infirmos variis morbis gravatos. Ecce laudes, quas ad sancti Nicolai honorem promere fas mihi fuit. Miramini nunc, fratres, sanctum hunc Antistitem in multis vere mirabilem; verum et virtutes ejus pro viribus imitari conanimi. Parum est, quod ejus merita et miracula laudemus et demiremus, ni ejus virtutes et sanctos mores imitemur: oportet, ut *qui sanctorum merita religiosa charitate miratur, quique justorum glorias frequenti laude colloquitur, eorum mores sanctos atque justitiam imitetur* (S. Cryost. de Mart.). Optarem in primis, quod eum omnes in amore et charitate erga pauperes imitarentur. O utinam divitibus hujus seculi similis inesset erga pauperes amor! utinam omnes divites essent pauperum patres! heu! e converso eorum plurimi pauperum fiant peremptores, potius quam patres; eos enim ut quietis sua perturbatores et bonorum suorum praedones scep̄e respiciunt, itisque pluries dare renunt, quod sine quadam immanitatis nota brutis denegare nequint: *pauperes et dicites Deus de uno limo fecit, et pauperes et divites una terra supportat*; pauperibus autem subveniendi Deus divitibus onus imposuit; divitibus a Deo relicti sunt pauperes, ut eorum necessitatibus occurrant: *tibi derelictus est pauper, orphano tu eris adjutor* (Ps. 9). Pauper a divite debet petere quae sibi sunt necessaria, et divites ad ea eroganda tenetur: *pauperis est rogare, et divitis erogare*. Heu! si scirent divites, quantum a Deo amentur qui pauperes diligunt, quanto Deus prosequatur odio eos qui pauperes oderunt; eos utique diligenter et erga illos se misericordes exhiberent. Certissimum est, quod qui facit misericordiam, a Deo misericordiam consequetur; et quod judicium erit sine mi-

sericordia ei qui misericordiam non fecerit; itaque, o viri divitiarum, estote misericordes, ut a Deo misericordiam consequi valeatis. Peccasti? Estote misericordes erga pauperes et elemosyna a peccatis vos liberabit: *eleemosyna ab omni peccato liberat* (Tob. 4, 12). Supersunt vobis aliquae peccatorum reliquiae, seu aliqua poena exsolvenda? elemosynis eas solvite: *peccata tua elemosynis redime*. Timetis ad tartara detрудi et in infernum praecipitari? Facite elemosynam et ipsa vos ab eterna morte liberabit: *eleemosyna a morte liberat*. Eleemosyna tandem a Deo impetrabit, ut cum S. Nicolao ad eternam tabernacula perducamini. Amen.

DE SANCTO AMBROSIO

CONCIO UNICA.

Ministerium tuum imple (2 Tim. 4, 5).

Si ad praeclarissimum mediolanensem archiepiscopum hominibus commendandum facundus quidam et disertus requireretur orator, meis, fateor, humeris hoc impar esset onus. Si sanctissimi hujs Antistitis scientia, virtutes et merita artificiosis et exquisitis sublimis eloquentiae floribus forent exornanda, mihi ipsis nunc altum indicerem silentium, et ingenue faterer, me nescire loqui: *ecce nescio loqui*. Hodie vero rem jam millies factam iterum aggredior et merita proclamanda suscipio quia a fama, veluti sonora quadam tuba, jamdudum vulgata sunt: sancti enim Ambrosii fama per omnem jamdiu volavit Europam, quam scriptis suis ditavit: per universam diffusa est Ecclesiam, quam virtutibus et meritis suis exornavit, et per totum dispersa est terrarum orbem, cuius decus, sidus et quasi sol extitit. Quapropter huic sideri novum decus, huicve soli novam lucem afferre nec

intendo, nec valeo; attamen ne in tam digna, tamque ampla di-
cendi materia totaliter immutescam, dicam solummodo, quod epi-
scopale ministerium digne impleverit Ambrosius: *ministerium
tuum imple.* Episcopalem dignitatem tanti fecit sanctos ille
Antistes, ut eam omnibus mundi dignitatibus praetererit: *nihil
in hoc saeculo sublimius episcopis reperitur.* Ardentissime
simul optabat, ut quilibet episcopus digne suum impleret mi-
nisterium: ad hoc *ut nomen congruat actioni, actio respon-
deat nomini, ne sit nomen inane et crimen immane; ne sit
honor sublimis et vita deformis.* Quod autem in aliis episcopis
peroptabat Ambrosius, ipse perfectissime possedit: ipse enim
dignissime suum ministerium implevit, ut videbimus. *Ave.*

Ut episcopus digne ministerium suum impleat, mores suos
componere, haereticos arcere et populo sibi credito lucera debet.
Necesse est, quod episcopus a seipso incipiat, moresque suos
ita componat, ut alii sit in exemplum: *te ipsum praebe exem-
plum.* Postquam autem episcopus mores et vitam suam debite
composit, a grege suo lupos arcere, seu haereticos gregem in-
festantes vitare et exterminare debet: *haeticum hominem
devita.* Debet tandem episcopus populo sibi commiso lucere,
eumque pro viribus instruere: *luceat lux vestra coram homi-
nibus.* Hæc tria qui perfecte observaverit, recte ministerium
suum implebit, et eo quis suum dignius adimplebit ministerium,
quod perfectius haec executioni mandaverit. Ex quo auspicari
quisque facile potest, quam digne et quam perfecte episcopale
ministerium adimpleverit sanctus Ambrosius: ipse namque mores
suos ita composit, ut vita ejus alii episcopis in speculum ex-
poni queat. Ipse etiam haereticos ita impugnavit, ut eorum fuerit
flagellum. Ipso tandem populis ita illuxit, ut fulgentissimum
eorum lumen extiterit. S. Ambrosius fuit 1. speculum præla-
torum; 2. flagellum haereticorum; 3. lumen populorum. Tribus
his honoris titulis clarissime constabit, quam perfecte sanctus
hic Antistes ministerium suum impleverit. *Ministerium tuum
imple.*

I PARS.

S. Ambrosius fuit speculum prælatorum.

Divus Ambrosius se episcopatu indignum et omnium episco-
porum minimum esse arbitrabatur; *non eram, inquit, dignus
vocari episcopus, et sum quidem minimus omnium episcoporum,
et insimus merito* (De pen. 2, 8). Alter de sancti Am-
brosii meritis sentiebat Theodosius imperator, qui dicere con-
sueverat: *solum Ambrosium novi episcopum dignum eo no-
mine.* Ipse quidem episcopatu ita dignus fuit, et episcopale
ministerium tam perfecte implevit, ut in omnibus prælatorum
speculum extiterit et præcipue 1. in fuga dignitatum; 2. in
dispensatione bonorum suorum; 3. in innocentia vite.

1. Episcopalis dignitatis grave onus habet adnexum: *nomen
episcopi plus sonat operis, quam honoris: quoniam episcopus
non tam ut præsit, quam ut prosit, eligitur* (Inn. III, de myst.
mis.). Unde in S. Concilio Tridentino habetur, episcopatum
esse onus angelicis humeris formidabile. Et sanctus Vin-
centius Ferrerius ait, illud onus esse cuilibet importabile, nisi
speciali Dei auxilio adjuvetur: *prælatio habet onus importa-
bile, nisi Deus jucet.* Non desunt tamen, qui ad episcopalem
dignitatem evehi ambiant, quia non onus, sed honorem inspi-
ciunt; vel, ut loquitur sanctus Bernardus, *quia sola attenditur
gloria, non pena.* Ast S. Ambrosius onus, penam et pericula a
dignitatibus inseparabilia perfecte inspiciens, ad episcopalem
dignitatem sublimari pro viribus recusavit, omnemque movit
lapidem, ut oblatu huic se subduceret honori. Audit a erat in
medio elegantum cœtu infantis vox miraculoformata, diceantis:
Ambrosius episcopus. Hinc voci omnium electorum accesserant
vota; gaudebat omnis populus, quod in episcopum eligeretur
vir prudentissimus, qui cum insignibus consularibus ad gubernan-
dam mediolanensem provinciam missus fuerat; Ambrosius
autem gravissimum prælature onus extimescens, nil intentatum

reliquit, ut illud declinaret. De sancto Gregorio, revera magno, narratur, quod cum totius Ecclesie votis in sumnum pontificem fuerit electus, enixe efflagitavit fieri irritam electionem suam; quod ut nequivit impetrare, dissimulato habitu Roma excedens, in silva aliquandiu latuit, donec Deus columna ignea eius latebras apernit. O mirabilem pontificem, qui exemplo suo dignitatum fugam omnes Ecclesiasticos docet! Similiter mirabilem se exhibuit sanctus Ambrosius, qui non solum electionem suam irritam fieri petiti, verum ut populum ad sue electioni contradicendum moveret, nunc gravibus usus est minis, nunc se fore crudelium finxit, et nunc suadere voluit, se honestis moribus destitutum, ac proinde tali munere indignum; ubi vero has omnes industrias sibi inutiles esse novit, imperatore rogavit, ut electionem irritam faceret; quod cum impetrare minime potuisset, noctu semel ei iterum clam e civitate fugit, neconon aliquandiu absconditus delituit. Unde si de homine ambitioso dicat Sidonius, quod *per fas, nefasque crescere affectat*, videtur, quod e contra Ambrosius per fas, nefasque decrescere conatus sit; dixi per nefas, quia ne eligeretur in episcopum, finxit se esse impudicum, non bone famae mulieres in suam inducens domum, quod quidem nefas et malum censendum, nisi sancta Sancti hujus intentio, quod de se et ex sui natura malum erat, bonum, sanctum et omnibus seculis mirandum effecisset (1). Viri ambitionis Dei gloriam non respiciunt, solum dignitates, quas ambiunt: *hoc maximum habet vitium ambitus, quod non respicit Deum, sed per fas et nefas ad dignitatem tendit* (S. Antonin.). Sancti Ambrosii intentio semper fuit sancta, semper Deum et Dei gloriam respexit; in omnibus industriis ad quas se verit, ut episcopatu se subduceret, semper Dei gloriam intendit; nec

(1) Potius dixeris: nisi sancta intentio factum de se malum excusasset: nec enim fieri potest ut intentio bonum reddat, quod natura sua malum est; tantummodo excusat a peccato cum, qui illud operatur bona fide, putans se recte agere; atque hisce adiunctis opus est materialiter sive in se, non formaliter sive in agente malum.

illum unquam acceptasset, si Dei gloriae et voluntati contradidere non timuerisset. O mirabilem prelatum et vere speculum praelatorum in fuga dignitatum, ac etiam in dispensatione bonorum temporum.

2. Pessimum vitium est avaritia, quo innumeri et omnes fere homines ligantur: *a minore usque ad maiorem omnes avaritiae student et a propheta usque ad sacerdotem cuncti faciunt dolum* (Jeren. 8, 13). Exitiosum illud vitium, omnium peccatorum radix et causa esse videtur: *radix omnium malorum cupiditas* (1 Tim. 3); propterea D. Paulus quilibet episcopum specialiterhortatur, ut omnem avaritiae spiritum a se ablegat: oportet, inquit, *episcopum non esse litigiosum, non cupidum*; seu, ut explicat D. Hieronymus, oportet episcopum *esse sine avaritia*. Praefata etiam D. Pauli verba explanans S. Ambrosius, ait, episcopum ab omni avaritia ita debere esse alienum, ut nulla superflua ambiat; ex paucis Ecclesie, quos recipit, redditibus, quod poterit pauperibus distribuat. *Penitus non ambiat, que intelligit esse superflua; sed de ipsa potius paupertate Ecclesie sue libenter impertiat pauperibus Christi* (de dign. Sacerd.). Eco regulam perfectionis, quam episcopis prescribit sanctus Ambrosius, et quam ipse perfectissime tenuit; postquam enim ad episcopalem cathedralm ascendit, non solum ecclesiasticos proventus, suum etiam patrimonium, quod pinguissimum erat, in eleemosynas, aliosque pios usus erogavit: *omne aurum et argentum quod habere potuit, Ecclesie, vel pauperibus contulit: preclara autem, quae habebat, donavit Ecclesie, ut nudus et expeditus miles Christum Dominum sequeretur*. Sanctus Gregorius, re et nomine magnus, vult, quod *episcopus longam manum habeat*. Heu! debetne episcopus aliis longiore habere manum? eam utique ita longam habere debet, ut plus quam ceteri eam ad pauperes et necessitatem patientes extendat; *longam manum habeat, necessitatem patientibus occurrat*, inquit Sanctus Gregorius. Manus episcopi non debent esse contractae et clause, sed pauperibus aperte et extense, ut eorum necessitatibus provideat: *gloria episcopi est pauperum inopie providere*. Haec est gloria episcopi, inquit Sanctus Hieronymus;

et si cuique diviti turpe et indecorum est pecunias coacervare et mendicantibus eleemosynam denegare, maxime episcopo; nam, ut ait Sanctus Augustinus, *non est episcoporum servare aurum et argentum, et a se revocare mendicantis manum.* Hæc probe noverat sanctus Ambrosius, qui *omne aurum et argentum, quod habere potuit, Ecclesie vel pauperibus contulit.* Unde Sanctus Ambrosius talis extitit, qualem esse optabat quemlibet episcopum S. Bruno: *verus episcopus desiderat non aurum, non divitias, non jucunditatem sacculi, sed laborem utilem sibi et his supra quos intendit* (in ep. ad Tim. I). Talis autem extitit sanctus Ambrosius, qui pro salute populi sibi crediti solicite laboravit, pugnando contra hereticos, haeresum excindendo spinas, vivam pietatis doctrinam afflatim seminando, et omnia boni pastoris munia adimplendo; utque expeditior esset ad laborandum pro salute proximi, *omne aurum et argentum, quod habere potuit, Ecclesie vel pauperibus impedit.* O non sati commendabilem episcopum! qui vero fuit speculum prælatorum in dispensatione bonorum temporaliarum: *ac etiam in innocentia vita.*

3. Christi summi et divini pontificis innocentiam prædicat divus Paulus, dicens: *talis enim decebat, ut nobis esset pontifex sanctus, innocens, impollutus* (Heb. 7, 6), tantamque ejus innocentiam extitisse declarat, ut a peccatis et peccatoribus totaliter elongatus fuerit: *segregatus a peccatoribus.* O utinam hinc similem omnes penitus homines haberent innocentiam! Jam vero vos nobis miseris, qui in hoc mundo diu vivere non valimus, quin in aliquod saltem leve peccatum incidiamus: *neque enim est homo qui non peccet.* Unde cum dicit apostolus: *oportet ergo episcopum irreprehensibilem esse,* non debet intelligi, quod tanta episcoporum esse debeat innocentia, ut non in quodque vel minimum peccatum incident; sed quod tanta esse debeat, ut sint bona fama et propter aliquod grave crimen non male audiant. Et hac innocentia perfectissime potitus est sanctus Ambrosius; ita innocens fuit, ut de aliquo crimen vere argui non potuerit; nam cuius, quæso, criminis reus dicetur sanctus hic Antistes? Dicetne quis illum fuisse avarum?

Heu! cuncta sua in pios usus impendebat. Forte quis susurribat, illum fuisse luxuria obnoxium? imvero si credimus Hieronymo, Ambrosius virginitatem perpetuo servavit illæsam. Suspicimurne illum fuisse gulæ addictum? Heu! ad convivia invitatus, nunquam accessit et maximam sectatus est abstinentiam. De quo ergo peccato illum arguemus? Non de superbia, cum humilitatis ergo, ad ecclesiasticas dignitates sublimari renuerit. Non de hæresi, cum hæreticos fortiter confutaverit et pro fide catholica generose doceret. Non de vindicta, cum omnibus benefacere studuerit. Non tandem de alio quocumque crimen: cum enim, ne in episcopum eligeretur, se scelestum esse fixxit, hoc populus suadere nequivit. Unde si de Juditha dicitur, tantam ejus extitisse innocentiam, quod non esset *qui loqueretur de ea verbum malum*, ita sancti Ambrosii tanta extitisse videtur innocentia, ut non esset qui de eo loqueretur verbum malum; nec revera de eo quis verbum malum absque iniustitia loqui poterat, quia, ut ait divus Bonaventura, in Ambrosio nullum peccatum, nullaque immunditia apparet: *fuit, inquit, divisor Ambrosius candor lucis æternae, id est, candidus instar lucis æternae, nihil habens immunditiae.* Ecce in Ambrosio verum speculum prælatorum, qui fuit etiam flagellum hæreticorum.

II PARS.

S. Ambrosius fuit flagellum hæreticorum.

Attila, qui cuncta ferro et flammis vastabat, ut omnibus terrorem incenteret, se *flagellum Dei* nuncupabat; flagellum pariter Dei S. Ambrosium appellabo, non quidem hujusmodi flagellum, quo Deus usus est ad profliganda regna et ad scelerata multa punienda; fuit flagellum Dei aduersus hereticos, seu flagellum hæreticorum eo quod eorum 1. potentiam compressit; 2. audaciam coercent; 3. sectas dissipavit.

1. Hæretici, ab his qui ad eorum conversionem non mittuntur,

summo studio sunt vitandi, tum quia pravum omnino et undeque corruptum animum habent: tum quia, ut ait Bernardus, homo haereticus est *inimicus crucis Christi, seminator discordie, fabricator schismatum, turbator pacis, unitatis divisor* (ep. 195 ad Const.); ob hoc maxime vitandi sunt, quod maligna sua doctrina, eos cum quibus conversantur, decipere festinent. Hi sunt serpentes venenati, qui undique serpent et omnes quibus se affrictant, veneno suo intoxicare conantur et eos precipue, qui sunt divites et potentes in seculo, quorum animos et benevolentiam sibi conciliare contendunt, ut eorum autoritate fulti, si rationibus et argumentis vincere minime valeant, saltem minis et tormentis terreat; imo et ut eorum autoritate freti, impune crucient quos ad sectas suas adducere non valent; solent, inquit Bernardus, *sibi alicere blandis sermonibus et simulatione virtutum divites et potentes, iuxta illud: sedet in insidiis cum divitibus in occulis, ut interficiat innocentem* (ib.). Fraudulento hoc artificio usi sunt haeretici, ut de sancto Ambroso triumpharent; divitum multorum et hominum autoritatem habentium sibi conciliarunt animos et precipue imperatricis Justine, que adversus sanctum pontificem saeviobat, ejusque libertati obsistebat: qui tamen haereticorum potentiam non timuit, eorumque minas parviperdit: sic enim alloquitur aliquem ex hujus faringis hominibus, qui ei mortem minabatur: *minas tuas non timeo: carnem enim occidere potes, animam autem non potes* (ep. 14). Ipse cum de Dei agebat gloria, omnis penitus formidinis erat inscius; ignis, gladius, bestiae et ungulæ carnes lacerantes, voluptatis potius ipsi fuissent, quam terroris; unde pio voto dicebat: *utinam Deus avertat hostes ab Ecclesia, et in me omnia tela converlat, ut meo sanguine sitim suam explent*. Ecce Antistitem vere intrepidum et impavidum, cum res Dei agitur: quid ergo diocesis sua haereticis proderit adversus illum divites et potentes armare? Eorum forte minus terribilitur, fietque tamquam canis mutus non valens latrare? Absit hoc a tam generoso pontifice, qui trepidare non novit; accedat imperatrix Justina in ipsum spumans minarum et caedis; veniant

Arianorum, Priscillianorum, Novatianorum et aliarum sectarum capita et protectores; insurgant contra ipsum satellites, exercituum duces et imperatores; tantum abest, quod eorum minas, potentiam et saevitiam metuat, quinimo ipsorum et omnium haereticorum potentiam contemnit et comprimit. Videat quomodo Jovinianum ab Italia expellit; quomodo Priscilianum haeresiarcham ad se venientem rejicit; quomodo interdictionis penam Valentiniiano imperatori ministratur, si idola restituendi facultatem concedat. Videat demum quomodo Justinæ potentiam compressit: ipsa, cum esset imperatrix, autoritate sua Ecclesie Sirmensi pastore orbate arianum antistitem dari curavit; at Ambrosius, invita Justina Augusta, Avennum, virum orthodoxum ejusdem civitatis episcopum constituit. Eadem Justinæ aliquam Arianis ecclesiam tradere volenti, fortior obstitit Ambrosius et prevaluit. Cum tandem necari tentaretur a Justina, ipse ei semper constantissime restituit et de ea triumphavit. Unde Ambrosius in medio haereticorum se gessit quasi alter Judas Machabeus, qui *similis factus est leoni in operibus suis*, seu, ut explicat Lyranus, *quasi leo fuit, cuius rugitu terrentur bestiae, et fluit stupidæ; sic gentes idolatrae auditu nomine Judeæ*. Cur non id ipsum dicemus de S. Ambroso, qui tantum abest, quod haereticorum potentia territus sit, quin contra quasi leo fortissimus, rugitu suo haereticos terruit, eorumque potentiam debilitavit et compressit? *Ipse eorum etiam audaciam coœravit.*

2. Haeretici audaces et impudentes esse solent; sub pelle ovina animam operiunt leoninam; speciem quamdam pietatis praferunt, dum hypocritarum more, boni non esse, sed videri student. Sæpe exterius videntur agni et semper interiori sunt lupi rapaces; vel, ut ait sanctus Augustinus, sunt *lupi semi-tarii induiti ovina pelle*: interna tamen eorum malitia pluries ad extra manifestatur et presertim cum de stabilienda, vel propaganda sua secta agitur; ipsi enim tunc tamquam canes impudentissimi audacter et temerarie omnia petunt, omniaque moliuntur, que præve sua intentioni suffragari arbitrantur. Hanc eorum audaciam adnotavit apostolorum princeps, dicens, quod

hi post carnem in concupiscentia immunditiae ambulant, dominationemque contemnunt, audace, sibi placentes, non metuant introducere blasphemantes (2 Pet. 1, 10). Hujusmodi erat vita et audacia, vel potius impudentia haereticorum, qui tempore divi Ambrosii in Italia vigeant: erant omnes amantes semetipsos, abdomini et concupiscentiae carnis dediti; eorum aliqui punitiati, ali ieiunium et alii virginitatem aversabantur et damnabant. Obsconi illi satane filii dominationem spernabant, et potestati, sive ecclesiasticae et spirituali, sive civili et temporali subdi renuebant; effræno sectas suas inducendi et firmandi desiderio ducti, audacter et impudenter petebant et moliebantur quidquid votis suis favore auスピabantur. Alii sanctas catholicorum Ecclesias, ut ex iis nefariae sua religionis delubra, vel potius secte sua fortalitia conficerent, petulanter sibi dari postulabant: ali majori cum audacia ad dignitates pontificias sublimari contendebant: ali se solos veros catholicos proclamabant et ut tales ab imperatoribus et summis pontificibus agnosciri et recipi impudenter petebant. Ast sanctus Ambrosius in semper et ubique fortiter restituit, et eorum audaciam ita valenter coērcuit, ut ejus hac in parte virtutem explicare haud valeamus: *quis sufficienter dicat, quam constanter Ambrosius haereticis resisterit, quam lucide haereses confuderit?* (S. Bonav. ser. de S. Amb.). Certe hoc nullus explicare valeret. Videlur, quod tunc maxime Ambrosius leonis naturam induerit: *episcopus, inquit S. Bonaventura, debet esse leo fortissimus, ut ad nullius paveat occursum.* Ambrosius autem, quasi leo generosissimus, non solum haereticorum potentiam confregit, eorum etiam audaciam ita coērcuit, ut quam potens in hac expeditione fuerit, explicatu arduum efficiatur: *quis sufficienter dicat?* Igitur haereticos repressit eorumque *sectas dissipavit.*

3. Cum in archiepiscopum mediolanensem electus fuit sanctus Ambrosius, variis haereticorum sectis universa mediolanensis diœcesis, imo et tota Italia infestabatur: terra mediolanensis frugifera conversa erat Ambrosio in salsuginem a malitia haereticorum habitantium in ea; tota etiam in Italia erat

squallens, horrensis desertum spinis obstitum, incivum, feris, idest haereticis, tantummodo percivium (Baron.). Ibi triumphabant Ariani, ibi Priscillianisti, ibi varii aliarum sectarum haereticis florebant; imo et ibi nonnulli Gentiles idolis incensa adolebant. Adveniens autem D. Ambrosius, feras pessimas, seu haereticos totam infestantes Italiam fogavit, spinas haeresum avulsi, errores extinxit et tamquam flagellum a Deo missum, ita haereticorum sectas dissipavit, ut omnem Italianam ad veram Christi fidem converterit: *Mediolani Ambrosio episcopo constituto, omnis ad fidem rectam Italia convertitur.* Zorobabel a rege Cyro missus, loca sancta purgavit, templum restituit et altare reedificavit, ut Altissimo holocausta medullaria offerrentur: *surrexit Zorobabel filius Salathiel et fratres eius, et edificaverunt altare Dei Israël, ut offerrent in eo holocaustum.* D. Ambrosius ad episcopatum mediolanensem sublimatus, quasi alter Zorobabel, opportune a Deo missus, loca sacra ab haereticis profanata purgavit, tempora diruta restituit, altaria solo æqua reedificavit, Altissimo sacrificia offerri curavit et grasantem undique errores expulit, haereticorumque sectas ita dissipavit, ut avitam Christi fidem jam ab aliquo tempore multis in locis exullem, feliciter revocaverit, totamque Italianam ad veram Christi fidem converterit: *Mediolani Ambrosio episcopo constituto, omnis ad fidem rectam Italia convertitur.* Ecce quomodo S. Ambrosius fuit flagellum haereticorum; qui pariter extitit *lumen populorum.*

III PARS.

S. Ambrosius fuit lumen populorum.

Sicut sol omnium lumen est populorum, omnibusque sive piis sive impiis illucescit, ita, inquit Doctor Seraphicus, *instar solis omnibus lumen præstat Ambrosius, omnibusque luet, magnis et parvis, catholicis et haereticis, peccatoribus et justis.* Et revera lumen populorum dici debet S. Am-

brosius, quia populis illuxit 1. libris quos compositus; 2. prædicationibus quas habuit: 3. virtutibus quibus floruit.

1. Optime dixit Sapiens, solem suo lumine cuncta respicere; *Sol illuminans per omnia respicit* (Eccl. 42, 16); que verba varias ob rationes D. Ambrosio convenienti, et in primis ratione librorum quos compositus, quibus cunctis pene illuxit populis; hos typis mandari curavit Roma, illos summo affectu tota appetiit Italia, eos omnis demirata est Europa, *illosque magno authoritatis præconio sancta Mater Ecclesia confirmavit*. Eos plurimum laudat Doctor mellitus S. Bernardus; isisque ad dictorum suorum confirmationem usi sunt duo Ecclesiæ lumina Ss. Augustinus et Hieronymus, quorum ultimus ait, quod Ambrosii *omnes sententiae fidei et Ecclesiæ et omnium virtutum sunt columna*; et D. Augustinus asserit, Ambrosius de *humilibus submisse loqui, de mediocribus temperate, de magnis sublimiter, pro rerum varietate, ac dignitate, sed arguta et succincta brevium sententiarium copia*. Addam ex Abbate Trithemio, quod S. Ambrosius in *dīvīnī Scripturis atque in sacerularibz literis omnīn facile doctissimūs, grāvō atque latīno sermone ad perfectum instruetus, in expōndendis declarandisq; dīvīnī Scripturis omnes Doctores vīcīt*. Ecce qualia fuere scripta, qualesque libri S. Ambrosii, quibus doctis et indoctis, hereticis et catholicis, justis et peccatoribus, necnon cunctis fere hominibus illuxit. Luculenter dixit Tertullianus, quod *cælum luminibus floret*: quod intelligendum non solum de celo empyreio, in quo fulgebant justi sicut sol in conspectu Dei; nec etiam solum de firmamento, in quo innumeræ rutilant stellæ; verum et de Ecclesia, quæ est cœlum mysticum, in quo tot sunt lumina, quot Doctores, qui eam scriptis suis illustrant. Inter prima autem Ecclesiæ lumina agnoscitur D. Ambrosius, qui scriptis suis illuxit juvenibus, quoniam mundi contemptum docet in libro *de fuga seculi*; puellis, quibus virginitatem amorem inspirat in libro *de Virginibus*; viduis, quas ad continentiam allicit in libro *de Vi-
duis*; sacerdotibus, quos perfectissime instruit in libro *de instruc-
tione sacerdotum*. Illuxit etiam pastoribus et peccatoribus in li-

bris de cura pastorali et de penitentia. Alios tandem multos compositus libros, quibus omnis generis et conditionis hominibus mirum in modum affulxit. Unde jure merito asseritur quod S. Ambrosius ratione librorum quos compositus, sit *lucerna lucens*, cum iis mirabiliter hominum mentes illuminet. Dum vero Ambrosius illuxit populis per libros, quos compositus, iis etiam illuxit *prædicationibus, quas ad populum habuit*.

2. Tria sunt prædictorum genera, inquit Hugo cardinalis: *primi male vivunt et male docent; secundi bene docent, sed male vivunt; tertii bene vivunt et bene docent*. Hi qui *male vivunt et male docent*, tenebrae potiusquam lux diei debent, quia super populos tenebras et non lucem diffundunt. Qui *bene docent et male vivunt*, verbis lucent, non operibus, et quæ verbi suis facienda docent, operibus suis non esse peragenda suadent. Qui tandem *bene vivunt et bene docent*, noscuntur vera mundi lumina, quoniam populis suis prædicacionibus vere illucescant, de quibus propterea vere dicitur, quod sint lux mundi, et quod per prædicationem et declarationem sermonum Dei homines illuminent: *declaratio sermonum tuorum illuminat*. Et hoc potissimum dicendum de S. Ambrosio, qui cum sanctissime viveret et assidue ferventibus prædicationibus operam navaret, innumeros omnis generis homines illuminavit. Unde de eo dixit Doctor Seraphicus, quod fuerit lux se cunctis varie communicans, et præcipue per prædicationes suas, quæ ita fuere efficaces, ut quot suis concionibus peccatores converterit, hand facile enrari queat: *quis sufficienter dicat, quam fideleriter et prudenter sanctus hic docuerit et quantos prædicando converterit?* Sanctus ille Antistes ad prædicandum populo ex officio et ex præcepto teneri se arbitrabatur: *Nos, inquit, quibus verbi dīvini credita est dispensatio, et qui gregem Christi alendum, nutriendumque suscipimus, non sine ingenti periculo nos credimus evasuros, si non secundum hunc modum vivamus, aut etiam si minime prædicemus. Et licet ad hec prædicanda nos retardet hujus vite improbitas, invitat nos tamen præcepti necessitas. Et vix mihi si minime prædicavero!* (De dign. Sac.) Cum igitur S. Ambrosius

ex præcepto et sub damnationis æternæ periculo ad prædicandum populum se teneri censeret, singulis diebus dominicis et sepe etiam aliis diebus concionabatur, suarumque concionum tam felix erat successus, ut multos in peccatorum tenebris et in umbra mortis sedentes illuminaverit, nec non innumeros ad Deum converterit: *Quis sufficienter dicat, quantos prædicando converterit?* Scimus, quod D. Augustinum Doctorum aquilam suis concionibus illuminaverit sanctus Ambrosius. Illum concionantem frequens audiebat Augustinus ante suam conversionem: *sepe, inquit, in popularibus sermonibus suis Ambrosium letus audiebam* (*Conf. 6, 3*). Ambrosium audiebat et sermonibus ejus illuminabatur; verba Ambrosii prædicantis fiebant quasi faces, quibus illustrabatur Augustinus, et ab errorum suorum tenebris revocabatur. Neque solum D. Augustinum, verum et innumeros alios suis prædicationibus illustravit Ambrosius: *quis sufficienter dicat, quantos prædicando converterit?* Populus illuxit etiam S. Ambrosius virtutibus, quibus floruit.

3. Episcopum, qui populo sibi credito virtutibus non illucescit, quid monstruosum censem D. Bernardus (*De cons. 2*): *monstruosa res gradus summus et animus infimus; sedes prima et vita ima*. Nec una, aut altera, verum pluribus virtutibus florere debent episcopi, ut ait S. Antoninus: *multis virtutibus debet splendere vita pontificis, ut gradui conferat splendorem*. Virtutes autem episcopi minime communes et repentes, sublimes et heroicæ sint oportet, seu illas in gradu perfecto et sublimi sectari debet, inquit sanctus Gregorius: *dignitas episcopi non constat in ambitione culmine, sed in sublimitate virtutis* (*in 1 Reg. 5*). O mirabilem episcopum Ambrosium, qui supra Ecclesiæ candelabrum positus, multis hisque sublimibus populo suo illuxit virtutibus, quibus indesinenter incubuit; charitas ejus fuit ardentissima, indefessus salutis animarum zelus, vigilia circa gregem continua, nunquam satis laudabilis patientia in adversis, fortitudo ad ardua quæque suscipienda intrepida simul et religiosa; magnanimitas profunde humilitati adjuncta; ejus abstinentia fuit cum prudenti moderatione

rigida, mortifications ejus graves ejusque orationes assidue extitere; unde de ipso vere dici potest, quod multis et magnis virtutibus populo illuxerit: *iste est qui ante Deum magnas virtutes operatus est*. Dicebat S. Ambrosius (*epistol. 82*) quod *in episcopo vita formatur omnium*; ideo primus ipse vitam suam formavit; nam ad episcopalem evectus dignitatem, relicta rerum domesticarum cura, ipse totum se spiritualibus negotiis mancipavit; sacrificium quotidie, summa prævia animi præparatione, celebravit; quolibet de dominico in Ecclesia concionatus est; penitentium confessiones magno motu commiserationis affectu assidue audivit; lites tamquam æquissimus arbitri frequentissime composuit; proprium corpus tanta disciplina coœrctum, ut continuo illud jejuno afflacteret; magnis et arduis totius Ecclesiæ negotiis summa cum religione indesinenter vacavat. Tanta ejus fuit humilitas, ut se episcoporum minimum et episcopatus indignum judicaret; tanta ejus liberalitas, ut diceret: *omnia, que mea sunt pauperum sunt*; tam constans et generosa ejus extitit fides, ut asseruerit, quod prius ei auferretur anima, quam fides; charitatem qua ardebat, satis superque manifestarunt lacrymae, quas pluries pro aliorum culpis abundantissime fudit. Mirabilis in omnibus fuit ejus zelus et præcipue in tuitione ecclesiastice libertatis, et in expellendo ab Ecclesia Theodosio imperatore. Alias multas ejus virtutes taceo, quæ omnes plurimum refulgent; in magno enim Ambrosio omnes virtutes habentur magnæ: *iste est, qui ante Deum magnas virtutes operatus est*. Miramini sanctum hunc episcopum, qui vere ministerium suum implevit, cum fuerit speculum episcoporum, flagellum hæreticorum et lumen populorum: *speculum fuit episcoporum in fuga dignitatum, in dispensatione bonorum suorum et in innocentia vite. Fuit flagellum hæreticorum*, dum illorum potentiam repressit, eorum sectas dissipavit, eorumque audaciam coœravit. Fuit tandem *lumen populorum*, quin populis illuxit libris quos compositus, prædicationibus quas habuit, et virtutibus quibus floruit. Ecce pontificem, qui verissime et perfectissime ministerium suum implevit. O utinam omnes penitus homines sic suum ministe-

rium implerent! o sacerdos, o religiose, o mercator, o vos omnes, quotquot in hoc mundo vivitis! attendite quod sit ministerium vestrum, videte ad quod ministerium a Deo vocati sis, sedulo inquirete et probate quid a vobis Deus exigit: *probetis quae sit voluntas Dei bona, ac beneplacens et perfecta* (ad Coloss. 8): agnita autem Dei voluntate, ei adimplenda insistite; postquam noveritis ad quod Deus vos ministerium vocavit, illum solicite et perfecte adimplete. O sacerdos, ea fac quae veri sacerdotis sunt! religiose, ea facimur quae statum tuum spectant! o judex, o medice, tu qualiscumque status et conditionis sis, adimple perfectissime quaecumque ad ministerium tuum pertinent. Philosophia christiana haec est: digne ambulare vocazione, qua vocati sumus, seu, quod idem est, ministerium nostrum implere; haec est vita spiritualis compendiosa summa; et in tremendo judicii die non a nobis inquiret Deus, an mortuos suscitaverimus, an montes ex uno loco in alium transtulerimus, vel an alia miracula fecerimus; verum an ministerium nostrum impleverimus. Non queret etiam Deus a sacerdote seculari, an vitam eremiticam sectatus sit; nec a judice vel medico postulabit, an Ordinis cuiusdam regularis statuta servaverit; a sacerdotibus, a judicibus et a cunctis hominibus exquirat, an ipsi vocanti obtemperaverint, et an in statu, ad quem vocati fuerant, ministerium suum impleverint: hos autem servos, qui sum non impleverint ministerium, mittet in tenebras exteriores: *mitte eum in tenebras exteriores* (Matt. 21, 13). Cuique autem illorum, qui pie et perfecte ministerium suum impleverint, dicet Dens: *euge serve bone et fidelis, quia in pauca fuisti fidelis, supra multa te constitua: intra in gaudium Domini tui.* Estote ergo fideles in adimplendo ministerio vestro, ut aliquando in gaudium Domini intretis, et aeternam beatitudinem obtineatis. Amen.

DE CONCEPTIONE B. M. VIRGINIS.

CONCIO PRIMA.

Quae est ista? (Cant. 6).

Si cuncta totius vita Marianæ momenta ponderare, penetrare et oratorio sermone illustrare liceret, ne unicum totius vitæ ejus inveniretur instans, in cuius elogia facundus orator erumpere non valeret: quippe quæ singulis quibus in hoc mundo vixit momentis mente, corde, tota denique anima mirabiliter Deo placuit, eique charitatis ardentissimas vinculo perfectissime adhaesit. Ast felicissimum conceptionis momentum, in quo purissima ejus anima corpori fuit infusa, specialioribus dignum videtur encomii, cunctisque hodie concionatoribus amplissimam et subtilissimam dicendi materiam subministrat. Verum quidem est, quod sacrum illud Marianæ conceptionis instans fuerit quasi abysus antiquioribus sacre Theologiae magistris impenetrabilis; illud momentum perfecte nosse non eorum erat: *non est vestrum nosse tempora, vel momenta: illius momenti plenior et perfectior notitia Doctori subtili et aliis qui post ipsum floruerunt, Doctoribus servata fuisse videatur* (1): hi abditissimum illud mysterium scrutati sunt et innu-

(1) Sic se res habebat auctoris ayo; felicior nobis cessit actas, cum haec veritas de immaculato B. V. Conceptu non quibusdam tantum doctoribus vel theologicis scholis innotescit, verum omnibus omnino Christifidelibus infallibiliter patet, utpote dogma a Summo Pontifice Pio IX s.m. definitum, plaudente universo orbe catholio, anno octingentesimo quinquagesimo quartº supra millesimum.
N. E.